

Siunnersuummut oqaaseqaatit

Oqaaseqaatit nalinginnaasut

1. Aallaqqaasiut

Utoqqalinersiaqarneq aamma siusinaartumik pensionisiat pillugit Inatsisartut inatsisaasa allanngortinneqarnerannut nr. 9, 20. juni 2022-meersukkut, 1. juli 2022-mi atuutilersinneqartoq, utoqqalinersiat toqqammaviusut aamma siusinaartumik pensionisiat qaffasinnerpaat qaffanneqarnerisigut, utoqqalinersiaqartunut aningaasatigut tigorianaat annertunerulissasut Naalakkersuisut kissaatigaat.

Utoqqalinersiat toqqammaviusut aningaasartaasa aamma siusinaartumik pensionisiat qaffasinnerpaat qaffanneqarmata kinguneraat ineqarnermut tapiissutit pillugit naatsorsuinermit tunngavioq qaffanneqarmat taamaalilluni ineqarnermut tapiissutit apparlutik.

Tamanna isumaqarpoq, utoqqalinersiat toqqammaviusut aamma siusinaartumik pensionisiat qaffasinnerpaat qaffanneqarnerisa ineqarnermut tapiissutit annertussusaat maannakkumut tapiissuteqarfiusinnaasut ilaatigut mangiarneqartut.

Taamaattumik inatsimmi allannguinermit matumani siunertaavoq, inatsimmi nr. 9, 20. juni 2022-meersumi akuersissutigineqartumi kingusinnerpaamik allannguut ilanngullugu, tak. kingusinnerpaamik allannguut, utoqqalinersiaqartunut siusinaartumillu pensionisiaqartunut qaffaernerup tamakkiisumik iluaqutaanissaa, tamannalu naggataatigut siunertaasumik pitsaannerusumik aningaasaqarnikkut soraarnerussutisiaqartunut atugassaqartitsissalluni. Taamaalilluni Inatsisartut inatsisaat nr. 9, 20. juni 2022-meersoq kingusinnerusukkut allannguuteqartoq naapertorlugu soraarnerussutisianik qaffaernermit siunertaq tamakkiisumik atorneqalissaaq.

Tamatuma saniatigut inatsimmik allannguneq manna tunngaviliissaaq, siunissami soraarnerussutisialinnut ilanngaatiq annertussusivia utoqqalinersiaqarneq aamma siusinaartumik pensionisiat pillugit inatsini iluarsissutinik allanngortinneqannginnissaa, taamaalilluni isertitanut ilanngaammik naatsorsuinermit ataavartumik ikkunneqarluni, tak. § 5, imm. 1 naggataa.

2. Siunnersuummi immikkoortut pingaarnerit

Inissiani attartortittakkani ineqarnermut tapiissutinut tunngatillugu soraarnerussutisialinnut (utoqqalinersialinnut siusinaartumillu pensionisialinnut) immikkut ilanngaataasartoq maannakkut isertitanut naleqqiullugu piffissami 1. juli 2022-miit 31. december 2022-mut utoqqalinersialinnut siusinaartumillu pensionisialinnut 4.100 kr-iniit 13.000 kr-inut aamma 9.660 kr-inut qaffanneqassapput. Ukiumut 2023-mut immikkut ilanngaataasartoq utoqqalinersialinnut siusinaartumillu pensionisialinnut 14.717 kr-inut aamma 12.579 kr-inut annertussusilerneqassalluni.

Ukiumut 2024-mut siumullu ilanngaammut aningaasat tassaassapput, ukiup siuliani ilanngaammut aningaasat ukiumi utoqqalinersianut siusinaartumillu pensionisianut iluarsiiissummik ilallugit.

3. Pisortanut aningaasaqarnikkut allaffissornikkullu kingunerisassai

Utoqqalinersianik siusinaartumillu pensionisianik 1. juli 2022-mi qaffaanerup kinguneranik ineqarnermut tapiissutini sipaaruteqarneq siunnersuutip atorunnaarsissavaa.

Tamanna aningaasaqarnikkut inuillu agguataarnerisa nikerarnerannit attuumassuteqanngitsumik immikkoortillugu isigineqassaaq.

Tassa imaappoq, ataatsimut isigalugu aningaasartuuteqarneruneq taanna, utoqqalinersiaqarneq pillugu Inatsisartut inatsisaannik aamma siusinaartumik pensionisiat pillugit Inatsisartut inatsisaannik allanngortitsinikkut Inatsisartut inatsisaannik nr. 9, 20. juni 2022-meersup atuutilersinneqartup, utoqqalinersiaqarnermi toqqammaviusumik aningaasartaasa aamma siusinaartumik pensionisiat qaffasinnerpaat qaffanneqarnerisa kingunerisaanik sipaaruteqarneq atorunnaarsissavaa.

Aningaasaqarnermut Naligiissitaanermullu Naalakkersuisoqarfik malillugu tamanna ineqarnermut tapiissutitut aningaasaliissutinik allannguuteqanngilaq, aningaasaliissutinummi sunniutaa ima annikitsigisoq allannguinnissamik malitseqartitsisoqartariaqanngitsoq nalilerneqarmat.

Inatsimmik allannguneq kommunit allaffissornerannut kinguneqarnissaa naatsorsuutigineqanngilaq, allannguinerit kommunit aningaasartanut tunngatillugu ullumikkut atugaannik qaffaanerummata.

4. Inuussutissarsiortunut aningaasaqarnikkut allaffissornikkullu kingunerisassai

Inuussutissarsiortunut aningaasaqarnikkut allaffissornikkullu kingunerisassaanik soqanngilaq.

5. Avatangiisinut, pinngortitamut aamma inuit peqqissuunissaannut kingunerisassai

Avatangiisinut, pinngortitamut aamma inuit peqqissusaannut kingunerisassaanik soqanngilaq.

6. Innuttaasunut kingunerisassai

Utoqqalinersialinnut ineqarnermut tapiissutinik pisartagaqartunut isumaqassaaq, inatsisip allannguutaata atuutilersinnerani ineqarnermut tapiissutitut aningaasaqarnikkut tigorianaannat amerlinerannik. Ineqarnermut tapiissutit annertussusaannut apeqquataasarpog qanoq inimut akiliutit annertussuseqarnersut inoqutigiillu isertitaat. Kisitsisit taakku marluk namminerisamik akiliuteqarnissamut aallaaviussapput, taamaalillunilu utoqqalinersiat siusinaartumillu pensionisiat iluarsiiissutaannut ineqarnermut tapiissutit qanoq annertutigissanersut apeqquataajunnaarlutik.

7. Allanut pingaarutilinnut kingunerisassai

Siunnersuut allanut pingaarutilinnut kingunerisassaanik soqanngilaq.

8. Tusarniaaneq

Siunnersuut piffissami ulloq xx. xxx 2023-miit ulloq xx. xxx 2023-mut tusarniaanermut nittartakkami tamanut saqqummiunneqarpoq www.naalakkersuisut.gl.

Tusarniaanermi akissutit tusarniaanermut allakkiami misissorneqassapput. Ilanngussaq 2-mut innersuussisoqarpoq.

Siunnersuummi aalajangersakkat ataasiakkaanut oqaaseqaatit

§ 1-imut

Nr. 1-imut

Utoqqalinersialinnut ineqarnermut tapiissutit naatsorsorneranni isertitanut tunngaviup ilanngaatigineqartussap aningaasartaasa annertussusaat aalajangersakkami allaqqavoq.

Utoqqalinersiallit tassaapput, utoqqalinersiallit siusinaartumillu pensionisiallit, innuttaasut utoqqaat, Inatsisartut inatsisaanni nr. 20, 23. november 2015-meersumi kingusinnerusukkut allannguutai ilanngullugit, kiisalu innuttaasut Inatsisartut inatsisaanni nr. 40, 9. december 2015-meersumi kingusinnerusukkut allannguutai ilanngullugit, ilaatinneqartut.

Allannguutip aalajangersakkami maannakkut inatsimmi atuuttumi § 1-mi, naggataani, *taamaallaat* aningaasat ilanngaatigineqartussat kisimik kalluarpai, Inatsisartut inatsisaat atuuttoq malillugu 4.000 kr-iusut.

Taamaalilluni Inatsisartut inatsisaat nr. 9, 20. juni 2022-meersoq naapertorlugu utoqqalinersiat siusinaartumillu pensionisiat qaffasinnerpaat qaffanneqarnerisa ineqarnermut tapiissutit amerlassusaannut kinguneqartoq, aningaasaqarnikkut ajortumik sunniuteqarneq iluarsissallugu allannguinerup siunertaraa.

Taamaattumik allannguneq pisooqataavoq ineqarnermut tapiissutit annertussusaannik iluarsiissuteqarnissamut, imaalillugu utoqqalinersiat siusinaartumillu pensionisiat allanngortinneqarneri 2022-mi sioqqullugu tapiissutit amerlaqataanut iluarsillugit.

Utoqqalinersiaqarneq pillugu Inatsisartut inatsisaat aamma siusinaartumik pensionisiat pillugit Inatsisartut inatsisaat allanngortinnerisa kingulliup kinguneraat utoqqalinersiat toqqammaviusut piffissami 1. juli 2022-miit 31. december 2022-mut ukiumut 74.652 kr-it angullugit annertussuseqalernerat, t.i. inatsimmik allannguinerup tungaanut 1. juli 2022-mi akigititanut naleqqiullugu qaffaaneq 9.000 kr-it (kaajall. nr. 294, 6. december 2021-meersumi § 5, imm. 1, nr. 1 naleqqiullugu Utoqqalinersiaqarneq pillugu Inatsisartut inatsisaata allanngortinnera aamma Siusinaartumik pensionisiat pillugit Inatsisartut inatsisaata allanngortinnera pillugu Inatsisartut inatsisaat nr. xx, xx. xxxx 2023-meersumi § 1 aamma § 3). Tamatuma kingorna utoqqalinersiat toqqammaviusumik aningaasartaat ulloq 1. januar 2023 aallarnerfigalugu ukiumut 76.369 kr-it angullugit annertussuseqarput (Utoqqalinersiaqarneq pillugu Inatsisartut inatsisaata allanngortinnera aamma Siusinaartumik pensionisiat pillugit Inatsisartut inatsisaata allanngortinnera pillugit Inatsisartut inatsisaat nr. xx, xx. xxxx 2023-meersumi § 1 aamma § 3).

Tassa imaappoq, 2023-mut qaffaaneq 1.717 kr-iuvoq.

Utoqqalinersiaqarneq pillugu Inatsisartut inatsisaat nr. 20, 23. november 2015-meersumi § 11, imm. 1 kingusinnerusukkullu allannguutit naapertorlugit 2024-mut siumullu aningaasartat ukiumoortumik iluarsineqartassapput.

Inatsimmik allannguinerup taassuma kinguneraa siusinaartumik pensionisiat qaffasinnerpaat piffissami 1. juli 2022-miit 31. december 2022-mut ukiumut 126.951 kr-it angullugit annertussuseqalernerat, t.i. inatsimmik allannguinerup tungaanut 1. juli 2022-mi akigititanut naleqqiullugu qaffaaneq 5.660 kr-it (kaajall. nr. 294, 6. december 2021-meersumi § 6, imm. 1, nr. 1 naleqqiullugu Utoqqalinersiaqarneq pillugu Inatsisartut inatsisaata allanngortinnera aamma Siusinaartumik pensionisiat pillugit Inatsisartut inatsisaata allanngortinnera pillugit Inatsisartut inatsisaat nr. xx, xx. xxxx 2023-meersumi § 1 aamma §3).

Tamatuma kingorna siusinaartumik pensionisiat qaffasinnerpaat aningaasartaat ulloq 1. januar 2023 aallarnerfigalugu ukiumut 129.870 kr-it angullugit annertussuseqarput (Utoqqalinersiaqarneq pillugu Inatsisartut inatsisaata allanngortinnera aamma Siusinaartumik pensionisiat pillugit Inatsisartut inatsisaata allanngortinnera pillugit Inatsisartut inatsisaat nr. xx, xx. xxxx 2023-meersumi § 1 aamma §3).

Tassa imaappoq, 2023-mut qaffaaneq 2.919 kr-iuvoq.

Siusinaartumik pensionisiat pillugit Inatsisartut inatsisaat nr. 40, 9. december 2015-meersumi § 18, imm. 1, oqaaseqatigiit siulliit kingusinnerusukkullu allannguutit naapertorlugit 2024-mut siumullu aningaasartat ukiumoortumik iluarsineqartassapput.

Utoqqalinersianik siusinaartumillu pensionisianik qaffaanerit ineqarnermut tapiissutit pillugit inatsimmi § 5, imm. 1, naggataanut (Inissiani attartortittakkani ineqarnermut tapiissutit pillugit Inatsisartut inatsisaat nr. 23, 7. december 2015-meersoq kingusinnerusukkullu allannguutit ilanngullugit) maannakkut atuuttumut naleqqiullugit naatsorsuinnermut isertitanut tunngavigineqartunik qaffaanermut sunneeqataapput. Taamaalillutik ineqarnermut tapiissutit pillugit nalunaarut (Ineqarnermut tapiissutisinissamut appariartuaartitsinissamut killiliussat, aningaasanut killiliussat, akiliutip ilaata agguaqatigiissinnera nammineq akiligassaq kiisalu ineqarnermut tapiissutit aningaasartaasa minnerpaaffissaat annerpaaffissaallu pillugit Namminersorlutik Oqartussat nalunaarutaat nr. 20, 24. november 2017-meersumi § 8, imm. 2) naapertorlugu appaasoqarluni.

Utoqqalinersiat siusinaartumillu pensionisiat aningaasartaannik qaffaanerit assingiimmik amerlassuseqanngimmata, aningaasartai procentinngorluguluunniit eqqarsaatigalugu, inatsimmik allannguinnermi utoqqalinersiat siusinaartumillu pensionisiat aningaasartai assigiinngisitaassapput erseqqissumillu utoqqalinersianut siusinaartumillu pensionisiat qaffasinnerpaanut tunngassuteqarlutik, pisunut tamanut.

Periaaseq unaavoq, utoqqalinersiat aningaasartaasa ulloq 1. januar 2022 aallarnerfigalugu (65.652 kr-it) aamma 1. juli 2022-mi (74.652 kr-it) atuuttut akornanni assigiinngissutaat, tak. ineqarnermut tapiissutit pillugit inatsimmi § 5, imm. 5, naggataani, ilanngaassutip aningaasartaanik (4.000 kr-it) ilallugit iluarsineqassapput. Inernera tassaavoq, piffissami 1. juli 2022-miit 31. december 2022-mut ilanngaataasussaq, t.i. 13.000 kr-it.

Periaatsip assinga 2023-mut ulloq 1. januar 2023 aallarnerfigalugu atuuttumi ilanngaassutip aningaasartaanut tunngaviussaaq. Utoqqalinersiat aningaasartaasa ulloq 1. juli 2022

aallarnerfigalugu (74.652 kr-it) aamma 1. januar 2023 (76.369 kr-it) atuuttut akornanni assigiinngissutaat ilanngaassutip aningaasartaanik piffissap siuliani atuuttumik, 1. juli 2022-miit 31. december 2022-mut (13.000 kr-inik) ilaneqassapput. Tassa imaappoq, 76.369 kr-iniit 74.652 kr-inik ilanngariarlugit 13.000 kr-inik ilaneqassapput.

Taamaalilluni inernera 14.717 kr-iussaaq.

Periaatsip assinga 2024-mut siumullu atorneqassaaq.

Siusinaartumik pensionisiat qaffasinnerpaanut atatillugu isertitanut ilanngaammut tunngatillugu, utoqqalinersianut periaatsip assinga atuutissaaq.

Siusinaartumik pensionisiat qaffasinnerpaat aningaasartaasa ulloq 1. januar 2022 aallarnerfigalugu (121.291 kr-it) aamma 1. juli 2022-mi (126.951 kr-it) atuuttut akornanni assigiinngissutaat, tak. ineqarnermut tapiissutit pillugit inatsimmi § 5, imm. 1, naggataani, ilanngaassutip aningaasartaanik (4.000 kr-it) ilallugit iluarsineqassapput. Inernera tassaavoq, piffissami 1. juli 2022-miit 31. december 2022-mut ilanngaataasussaq, t.i. 9.660 kr-it.

Periaatsip assinga 2023-mut ulloq 1. januar 2023 aallarnerfigalugu atuuttumi ilanngaassutip aningaasartaanut tunngaviussaaq. Siusinaartumik pensionisiat qaffasinnerpaanut aningaasartaasa ulloq 1. juli 2022-mi (126.951 kr-it) aamma 1. januar 2023 (129.870 kr-it) atuuttut akornanni assigiinngissutaat ilanngaassutip aningaasartaanik piffissap siuliani atuuttut, 1. juli 2022-miit 31. december 2022-mut (9.660 kr-inik) ilaneqassapput. Tassa imaappoq, 129.870 kr-iniit 126.951 kr-inik ilanngariarlugit 9.660 kr-inik ilaneqassapput.

Taamaalilluni inernera 12.579 kr-iussaaq.

Periaatsip assinga 2024-mut siumullu atorneqassaaq.

§ 2-mut

Inatsisartut inatsisaat saqqummiunneqarnerata aqaguani kingumoortumik atuutilersinneqassaaq.

Siunertaavoq iluarsiissuteqarneq piaarnerpaamik pissasoq, utoqqalinersiaqartut siusinaartumillu pensionisiaqartut aningaasaqarnikkut tigoriaannaasaat pitsanngorniarnannik inernejartussaq. Tamatuma saniatigut Inatsisartut inatsisaat piffissamiit utoqqalinersiat siusinaartumillu pensionisiat qaffaaffigineqarnerannit ineqarnermut tapiissutit ilaatigut mangiarneqarneranniit atuutilissaaq.

Inatsisissatut siunnersuut inatsimmut atuuttumut sanilliullugu	
Oqaasertai atuuttut	Inatsisissatut siunnersuut
	§ 1 Inissiani attartortittakkani ineqarnermut tapiissutit pillugit Inatsisartut inatsisaat nr. 23, 7. december 2015-imeersoq, Inatsisartut inatsisaatigut nr. 32, 23. november 2017-imeersukkut allanngortinneqartoq, imatut allannguuteqassaaq:
§ 5, imm. 1. Inissiani attartortittakkani akiliutitut tapiissutit inigisamut akiliutit annertussusaat, najugaqatigiillu tamakkiisumik isertitarisaat aammalu inissiap pissuserisaa naapertorlugit taamatullu najugaqatigiinni 18-t inorlugit ukioqartut amerlassusaat naapertorlugit aalajangersaavigineqartarput. Pensionisialimmut tunngatillugu taasumap isertitarisaanit 4.100 kr.-nit ilanngaatineqartassapput.	1. § 5, imm. 1 ima oqaasertalerneqassaaq: ”Inissiani attartortittakkani akiliutitut tapiissutit inigisamut akiliutit annertussusaat, inoqutigiit tamakkiisumik isertitarisaat, inissiap pissuserisaa kiisalu inoqutigiinni 18-it inorlugit ukiullit amerlassusaat tunngavigalugit naatsorsorneqartarput. Piffissami 1. juli 2022-miit 31. december 2022-mut utoqqalinersialimmut maannakkorpiaq isertitanit 13.000 kr-it aamma siusinaartumik pensionisialimmut 9.660 kr-it ilanngaatineqassapput. 2023-mut utoqqalinersialimmut maannakkorpiaq isertitanit 14.717 kr-it aamma siusinaartumik pensionisialimmut 12.579 kr-it ilanngaatineqassapput. 2024-mut siumullu utoqqalinersialinnut siusinaartumillu pensionisialinnut ukiormanna iluarsiiissut ukiup siuliani utoqqalinersialinnut siusinaartumillu pensionisialinnut isertitanut ilanngaammik ilallugu tassaassaaq ilanngaatisaaq.”
	§ 2 Inatsisartut inatsisaat una saqqummiunneqarnerata kingorna aqaguani atuutilissaaq aamma ineqarnermut tapiissutit

	tunniunneqarnerannut ulloq 1. juli 2022-miit siumullu sunniuteqarluni.
--	---